

Catarina e u ciucce che parla

A Supine ce štéa anticamente la credènz a le bèstie parlavene a la notte 'e Natale e tutte le cuntarine, a Natale, révene doppia razione 'é sciéne a le bèstie.

Mò ce štéa na fémmena che ze chiamava Catarina. Catarina éva zetèlla e tale éva remašta pecché nisciune la vuléa.

Tenéa le baffe e la varva 'nfaccia . Sembrava cchiù urze che crestijana.

'Šta Catarina 'nce creréva ca l'anemale parlavene la notte 'é Natale e parlanne che cèrte 'mecizie suo', le dicètte: " I' 'nce créde ca le bèstie parlene a Natale, 'štaséra voglie pròipa veré s'è vére: Quanne le mette a magnà a l'anemale, nne rènghe la raziona 'é sciéne a u ciucce e voglie veré che succére...".

'Št'amice allòre pénzanne 'é farle nu schérze: facénne annasconne a une de le lore, Minghe, sott'a la magnatóra.

Arrevatte la séra, quanne štèa a fa scure, Catarina mettètte a magnà a le pècure, po' 'uardatte 'nfacce a u ciucce e facètte finta de irzene. Z'avvijatte vèrte la porta, ma mèntrè štèa pe 'sci', sentètte ca u ciucce ragliatte e subbete appriésse sentètte na voce che dicèa

" nne me rà u sciéne, e duman te méne na panétta ca te fa remané cionca".

Catarina sentènne 'lla voce ze mettètte na paura ca le levatte la paróla da mmocche; ze 'mpàurètte e scappatte addò u patre.

U patre verènnela tutta mpaurita addummannàtte:" Ch'è succiésse?". Ma Catarina nn'èva capace de parlà e facèa sule ségne che la mane 'mbacce la vocca e che la coccia capezziave.

Da quille juorne Catarina perdètte la paróla e a chi l'addummannave ch'èva succiésse, respunnéva "oh... oh..." e capezziànne 'nzignava che la mane la vocca, pe fa capì a tutte ca u ciucce suo' avéa parlate.